


# Eqalugaq

**Qallunaatut atia:** Polartorsk  
**Latiinerisut atia:** Boreogadus saida  
**Tuluttut atia:** Polar Cod  
**Sorlernut ilaava:** Aalisakkat  
**Uumasooqatai:** Saarullikkut  
**Ilaqutai:** Saarulliit



Eqalugaq Kalaallit Nunaata sineriaasa imartaanni tamani sikuniluunniit saatsersuni uumasuuvoq. Ikerinnarsiortuuvoq amerlasoorsuakkuutaarsinnaallunilu. Issittumi tamarmi Canadamiit Sibiriakkoorluni Alaskamut siammarsimavoq.

## Ilisarnaatai

Timaa tuattunnguuvooq paperuata tungaanut amitsunnguulluni, allerui siusissuupput mikisunnguamik umiisaqarluni. Kajuartuuvoq sanerai qaamanerullutik taartumik saneqqamigut titarneqarluni. Eqalukkap saarullikkunnit allaniit immikkoorutigaa itimi kingornani avalerai qimerluanilu avaleraasai imminnut ungasikkamik.

## Nerisai

Nerisarai aalisagaaqqat, siuteqqut peqquaqqallu, soorlu krillit kingukkullu.

### Paasisutissat

Uumaffii: Imaq  
Takissusia: 35 cm tikillugu  
Suai: 9.000-21.000  
Suffisarpoq: Decembari-marsi  
Kinguassiorsinnaalersarpoq 4 miss.  
ukioqaleraangami 21-23 cm-inik takissu-  
seqarluni  
Sivisunerpaamik uumasarpoq: Ukiut 6-7  
miss.

### Nalunngiliuk?

Eqalugaq Kalaallit Nunaanni aalisarnikkut pingaaruteqanngilaq, taamaattorli timmissanut, aalisakkanut, teriannianut, puisinut arfernnullu nerisatut pingaaruteqarluni. Allani, soorlu Barentshavimi nerisassiassaangitsutut suliffissuarni suliarineqartarpoq.